

Akileraartarnermut Akitsuusisarnermullu Ataatsimiititaliap

**Nukissiornermi ikummatissat avatangiisinut akitsuutaat pillugit Inatsisartut inatsisaata
nr. xx, xx 2011-imeersup allanngortinneqarneranik Inatsisartut inatsisissaattut
siunnersuut.**

(Umiarsuarnut timmisartunullu akitsuuteqanngitsumik ikummatissamik tunisisarneq)
Aningaasaqarnermut Naalakkersuisup saqqummiussaa

pillugu

ISUMALIUTISSIISSUTAA

Siunnersuutip aappassaaneerpeqarnissaanut saqqummiussaq

Suliarinninnermi ataatsimiititaliap ukuninnga inuttaqarpoq:

Inatsisartunut ilaasortaq Niels Thomsen, Demokratit, siulittaasoq
Inatsisartunut ilaasortaq Harald Bianco, Inuit Ataqtigiit, siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Karl Lyberth, Siumut
Inatsisartunut ilaasortaq Aleqa Hammond, Siumut

Siunnersuutip UPA/2011-imi marsip 24-ani siullermeerneqarluni suliarineqarnerata kingorna siunnersuut ataatsimiititaliap misissorpaa.

Siunnersuutip imaa siunertaalu

Motorinut ikummatissap Kalaallit Nunaannut tikinnermi timmisartut imaluunniit umiarsuit 200 bruttoregister-tonimik tassanngaluunniit annertunerusumik bruttotonnagellit bruttoregister-tonnagellilluunniit orsussaasivianiittup, umiarsuup timmisartulluunniit nammeneq ingerlatissaatuinnaq naatsorsuussap ikummatissanut akitsuummik akitsuuserneqannginnissaa siunnersuutaavoq.

Siunnersuutip kingunerissavaa motorinut ikummatissap umiarsuup timmisartulluunniit orsussaasivianiittup pisuni taakkunani uuttorneqannginnissaa, soorlutaaq akitsuusigassamik nalunaaruteqartoqassananilu akitsuummik akiliisoqassanngitsoq. Siunnersuutaavoq umiarsuarnut timmisartunullu nunanut allanut ingerlaartunut, umiarsuarnut uuliasiortunut gassisiortunullu kiisalu nunat allamiut aalisariutaannut tunisinerni akitsuuteqar-titsisoqannginnissaa. Aamma siunnersuutaavoq kalaallit aalisariutaannut 200 tonsinik brutto-tonnagelinnut tunisat akitsuuteqartinneqassanngitsut.

Aammattaaq siunnersuutaavoq motoorinut ikummatissap akitsuutaanik akiliisussaatitaanermi pineqartunut ilaassanngitsut timmisartut umiarsuilluunniit aseruaitersimasut ajornartorsiortul-luunniit.

Suliap Inatsisartuni siullermeerneqarluni sularineqarnera

Suliap siullermeerneqarnerani siunnersuutip pisariaqavissuunera partiinit tamarmiusunit paasilluarneqarpoq.

Saaffiginninnerit

Akilaartarnermut Akitsuusiisarnermullu ataatsimiititaliaq Naalakkersuisut siunnersuummik saqqummiussinissaat sioqqullugu Kalaallit Nunaanni Sulisitsisut Kattuffiata saaffiginnissutaanik tigusaqarpoq, tassanngalu ilaatigut ima allassimasoqarpoq:

” Akitsuusiinerup kingunerissavaa tassalu KNI/Polaroilip nunat allamiut umiarsuaannut angallatinik orsersortitsisartunut tunngatillugu unammillersinnaajunnaarnissaa, ullumikkut 3 sømilinik killiliussap avataani angallaterpaalussuarnik orsersuisartunut. Pilersuineq qaffariartuinnartussatut naatsorsuutigisinnaasarpur minnerunngitsumik aasaarnerani oliemik ujaasisoqarneranut atatillugu.

Tamatumalu kingunerisinnaavaa KNI’p tunisarisartakkami katinnerisa 40 %-iat pallillugu annaasaqarneranik, umiarsuarnut takornariartaatinut, umiarsuarnut misissuutitut, orsersortaatitut, kilisaatitut olietileqatigiinnut il. il. oliemik tunisinermi isertitassaraluanik annaasaqarnerup saniatigut, imaalissalluni, Polaroilip aserfallatsaaliinissamut, innaallagissamut, imermut, akissarsianut il. il. aalajangersimasumik aningaasartuutigisartagai sullissinissamik isumaqatigiissut malillugu oliemik tunisermi isertitarisaniit agguataarneqartalernissaat, tamatumalu kingunerissallugu, olieq akiata liiterimut 20 øre angullugu qaffariaateqarneranik/sinnaanera. Ilutigitillugulu nunatta karsiata iluanaarutigisassatut naatsorsuutigisaralui 5,8 millionit missaannik amerlassusillit pissarsiarinngitsoorlutigit.”

Ataatsimiititaliap paasivaa, saaffiginnissummi issuarneqartumi isumakuluutigineqartut paasisallu, siunnersuummut ilaatinneqartut.

Siunnersuutip avatangiisinut sunniutigisinnaasai.

Naalakkersuisut oqaatigaat, siunnersuut avatangiisinut pinngortitamullu taasarialinnik kinguneqarsinnaasutut ilimagineqanngitsoq.

Timmisartut umiarsuillu suliaraqarlutik ullumikkut nunatsinniittartut, ikummatissamik Kalaallit Nunaata iluani avataaniluunniit akitsuusersuiffiusumi pisisaraluarunilluunniit sulinertik taamatut ingerlatiinnassagaat naatsorsuutigalugu, ikummatissamik atuinnermut siunnersuutip taasarialimmik sunniuteqarnissaa ataatsimiititaliap ilimaginngilaa. Ataatsimiititaliali neriutiga, umiarsuarnik imaani orsersortaatinik umiarsuaatileqatigiit atuinnerannik

siunnersuut naak annikkikaluumik killilersimaarinnissinnaassasoq, ataatsimiititaliarmi isumaqarmat imaani orsersortarneq, umiarsuup umiarsualivimmiitilluni orsersortarneraniit tamanna maangaannaq uuliakoornissamut qaninneerarsuusoq.

Aammattaaq ataatsimiititaliap ilanngullugu Akileraartarnermut Akitsuusiisarnermullu ataatsimiititaliap maannakkut inatsisip atuuttup UKA2010/29 suliarineqarneranut atatillugu oqaaseqaasiarisimasai innersuussutigissavai, Naalackersuisut siunnersuutissatut saqqummiussaraluanni maannakkut siunnersuutigineqartutulli, umiarsuit timmisartullu aalajangersimasut ikummatissanut akitsuummik akiliisinneqartassanngitsut:

”Naalackersuisut tunngavilersuutaat ataatsimiititaliamit tusaatissatut tiguneqarput, tamatumali peqatigisaanik eqqaasitsissutigineqassalluni nunatsinni CO₂-mik aniatitsinerup annikillisinneqarnissaa siunnersuummi pingaarnertut anguniarneqarmat. Taamaattumik akitsuummik akiliinissamut ilaatinneqanngitsut CO₂-mik aniatitsinerminnik annikillitsinissaminnut kajumilersinneqarnissaat anguniarlugu periarfissanik allanik nassaarniarluni sulinermik Naalackersuisut ingerlaannaq aallartitsinissaat ataatsimiititaliamit pingaartinneqarpoq. Sulineq taanna pillugu Eqqissisimatitsinermut Avatangiisinullu Ataatsimiititaliamut ilisimatitsissuteqartarnissamik Naalackersuisut Akileraartarnermut Ataatsimiititaliamit kaammattorneqarput.”

Akileraartarnermut Akitsuusiisarnermullu ataatsimiititaliap ataatsimiititaliaasimasup oqaaseqaatigisimasai tamakkiisumik tapersersinnaavai.

Siunnersuutip aningaasatigut kingunerisinnaasai

Siunnersuutip piviusunngortinneqarnerani aningaasatigut kingunerisinnaasat siunnersuutip nalinginnaasumik oqaaseqaasiartaani allaaserineqarput. Tassani allassimavoq, kontomi pingaarnermi 24.11.23-imi, Nukissiornermi ikummatissat avatangiisinut akitsuutaat, isertitassat siunnersuutip kingunerisaanik ukiumut kr. 5 millioninik appariaateqartussatut mis-siliuunneqartut.

Eqikkaaneq


Maannakkut inatsisip atuuttup ilusilersornera, umiarsuarnut timmisartunullu kalaallit orsussamik tunisisinnaannginnerannik kinguneqarpoq, akitsuusersuiffiusup avataani niuernerpalaartumik unammillernikkut orsersornissamut periarfissaqartunut, tamatuma avatangiisinut sunniteqarnissaata nalornissutaanera ilanngullugu isiginiarlugu.

Nioqqutissanik atuisuusut akitsuusersuiffiusup avataani nioqqutissanik pisiniaannarsinnaanerat pissutigalugu, inuiaqatigiit kalaallit isertitassaraluannik annaasaqarnermik tamanna taamaallaat kinguneqassappat, nioqqutissanik akitsuusersuineq isumaarutissasoq, ataatsimiititaliaq isumaqarpoq.


Ataatsimiititaliap inassuteqaatigaa

Qulaani oqaaserineqartut suliallu siullermeerneqarnerni oqaatigineqartut tunngavigalugit, Akileraartarnermut Akitsuusiisarnermullu ataatsimiititaliap **isumaqatigiittup** siunnersuutip **akuersissutigineqarnissaa** inassuteqaatigaa.

Taamatut oqaaseqaateqarluni isumaliutissiissummilu allassimasunik paasinnilluni siunnersuut ataatsimiititaliap aappasaaniigassanngortipaa.



Niels Thomsen, Siulittaasoq



Harald Bianco



Hans Aronsen



Karl Lyberth



Aleqa Hammond